



12. Tschanteda dal cussagl cumünel in marculli, ils 19.6.2013 a las 19.00 in chesa cumünela S-chanf

Presidi: Duri Campell

Preschaints: Gian Andrea Bott, Ines Barblan, Gian Fadri Largiadèr, Paolo Bernasconi (a partir da tractanda 92)

Absaints: Paolo Bernasconi (fin tractanda 91)

Actuar: Duri Schwenninger

Tractandas:

1. Protocol
2. 0.211 Dumandas da fabrica
3. 1.110 Hotel Engiadina Zuoz, dumanda permiss d'ustaria per mner la chamanna Varusch
4. 0.130 Collavuraziun gruppa da lavur (infrastructuras) e gruppa forestela S-chanf e Zuoz, decisiun per varianta e deliberaziun credit fr. 3'000.00 per lavuors preparatoricas
5. 6.210 Parkegis publics, adattamaint regulaziun cartas da parker a lungia düreda
6. 2.200 Commembranza associaziun pedagogia curativa scoula speciela Engiadin'Ota
7. 2.100 Scoula da di, definir cifra minimela da scolars chi faun part, per spordscher inavaunt la spüerta
8. 2.200 Decisiun da sister contrat per scoula speciela cun vschinauncha da Puntraschigna
9. 0.110 Consultaziun, legislaziun executiva da la refuorma territoriela (revisa parziela)
10. 9.999 Varia

La glista da tractandas vain approveda sainza objecziuns.

Protocol: Il protocol da la tschanteda dals 5 gün 2013 vain approvo unanimamaing.

88 0.211 Dumanda da fabrica Joos Curdin, orientaziun da fabrica nouva rait a queders

Il cussagl piglia cugnuschentscha da l'orientaziun da fabrica da Curdin Joos chi vuol eriger üna nouva rait a queders per schinager il terrain davaunt chesa sün parcella nr. 636 in Davous Chesas. Il cussagl nun ho üngünas objecziuns u pretaisas.

**89 0.211 Dumanda da fabrica
Rocca Sigrîd, orientaziun da fabrica nouva rait a queders e refûgi
per chavals**

Il cussagl piglia cugnuschentscha da l'orientaziun da fabrica da Sigrîd Rocca chi vuol eriger üna nouva rait a queders per schinager il terrain ed ün refûgi sainza fundamainta pels chavals sün parcella nr. 150 in Pradels. Il cussagl nun ho üngünas objecziuns u pretaisas.

**90 0.211 Dumanda da fabrica
Widmer Daniel e Remo, dumanda per pudair trer our intevladüra**

Il cussagl piglia cugnuschentscha da la dumanda da Daniel e Remo Widmer, per pudair trer our l'intevladüra, per cha dalum chi'd es avauntmaun il permiss da fabrica, paun els cumazer directamaing a fabricher. Il cussagl decida unanimamaing d'aderir a la dumanda regard l'alluntaner l'intevladüra.

**91 0.211 Dumanda da fabrica
Badilatti Bruno, nouva sarinera e pûrificaziun da l'ova, nouv bagn**

Bruno Badilatti ho inoltro üna dumanda da fabrica BAB per üna nouva sarinera e pûrificaziun da l'ova scu eir per ün nouv bagn sün parcella nr. 724 e 725 in Varusch. Zieva chi'd es avauntmaun il permiss da l'uffizi per il svilup dal territori decid'il cussagl unanimamaing da conceder il permiss da fabrica cun differentas cundiziuns.

**92 1.110 Permiss butias/ustarias
Hotel Engiadina Zuoz, dumanda permiss d'ustaria per mner la
chamanna Varusch**

Ad üna dumanda dals respunsabels da l'Hotel Engiadina Zuoz per mner la gestiun da restoraziun da la chamanna Varusch, aderisch'il cussagl unanimamaing. La taxa pel permiss vain fixeda sün fr. 300.00.

**93 0.130 Collavuraziuns intercumünelas
Collavuraziun gruppa da lavur (infrastructuras) e gruppa forestela
S-chanf e Zuoz, decisiun per varianta e deliberaziun credit fr.
3'000.00 per lavuors preparatoricas**

La cumischiun regard la collavuraziun gruppa da lavur ed infrastructuras e las gruppas forestelas da las vschinaunchas S-chanf e Zuoz haun gieu püssas tschantedas. In quellas tschantedas sun gnidas elavuredas las seguaintas 3 propostas.

1. Las gruppas da lavur (infrastructuras) e las gruppas da god vegnan mnedas cumünaivelmaing. Las gruppas da lavur haun lur domicil a Zuoz e las gruppas forestelas a S-chanf. Il materiel e las maschinas restan in proprietad da las vschinaunchas correspudentas, scu fin co. Reparaturas surpiglia mincha vschinauncha sves. Ils impiegos restan impiegos da la vschinauncha oriunda, sainza müdamaints da contrats. La gruppa da lavur es staziuneda i'l magazin a Zuoz e quella forestela i'l magazin a S-chanf.
2. Las gruppas da lavur (infrastructuras) e las gruppas da god vegnan mnedas cumünaivelmaing. Las gruppas da lavur haun lur domicil a Zuoz e las gruppas forestelas a S-chanf. Il materiel e las maschinas restan in proprietad da las vschinaunchas correspudentas, scu fin co. Reparaturas surpiglia mincha vschinauncha sves. Ils impiegos vegnan impiegos da la vschinauncha, inua chi'd es il lö da lavur. Que bsögna nouvs contrats cul persunel.
3. Il god e la gruppa da god suot la bachetta da S-chanf, las vias e la gruppa da vias suot la bachetta da Zuoz, incl. materiel e lavuratis. Nouvs contrats cul persunel,

il persunel dess gnir surpiglio da la vschinauncha correspudenta per las medemmas cundiziuns.

Zieva üna valütaziun da las propostas propuona la cumischiun als 2 cussagls da perseguiter inavaunt la varianta 1. Il cussagl decida unanimamaing da perseguiter inavaunt la proposta da la cumischiun, la varianta 1. Per preparar la collavuraziun per üna decisiun definitiva s'ho da consulter differents cusglieders, per quel scopo decid'il cussagl unanimamaing da deliberer ün credit ill'otezza da fr. 3'000.00.

**94 6.230 Plazzas da parker
Parkegis publics, adattamaint regulaziun cartas da parker a lungia düreda**

Fin uossa d'eira previs cha las cartas da parker a lungia düreda sun valablas pels parkegis Prasüras, Staziun S-chanf, Punt da Crap, Chapella, Susauna e Plaun Grand. Per simplificher la vendita da las cartas e las controllas, decid'il cussagl unanimamaing da der liber tuot ils parkegis per quellas cartas. Las uras da parker dals parkegis tar la scoula scu eir tar la chesa cumünela dessan gnir adattedas sün 24 uras, fin uossa d'eira pussibel da parker unic 1 ura. Quels chi haun già retrat üna carta aunz quista decisiun, dessan gnir orientos correspudentamaing.

**95 2.200 Scoula speciela
Commembranza associaziun pedagogia curativa scoula speciela Engiadin'Ota**

L'associaziun scoula speciela pedagogia curativa d'Engiadin'Ota es gnida fundeda l'an 1988 per iffaunts chi haun dabsögn d'ün sustegn extraordinari e nu paun gnir chüros scu scolars da la classa pitschna. A quella faun part tuot las vschinaunchas da l'Engiadin'Ota, cun excepziun da nossa vschinauncha. L'an passo es gnieu fat üna revaisa dals statüts e lo s'ho constatto, cha la vschinauncha da S-chanf nun es commembra. Zieva differents sclarimaints chi demuossan, cha füss ün avantag da fer part a l'associaziun, decid'il cussagl da suottametter la dumanda a la prosma radunanza cumünela cun la proposta da gnir commembra ill'associaziun. Ils cuosts annuels muntan ad arduond fr. 800.00, scha nu frequaintan üngüns scolars da nossa vschinauncha la scoula.

**96 2.100 Scoula primara
Scoula da di, definir cifra minimela da scolars chi faun part, per spordscher inavaunt la spüerta**

Tenor la nouva ledscha da scoula chantunela haun las vschinaunchas il dovair da spordscher la spüerta da la scoula da di, sch'almain 8 scolars s'annunzchan per quella. Üna retschercha tar nossa scoula ho demusso, cha la cifra da scolars chi faun part a la spüerta es pü bassa scu prescrit illa ledscha chantunela. Il cussagl da scoula fo la proposta da sbasser la cifra per nossa scoula. Il cussagl decida cun 4 cunter 1 vusch da spordscher inavaunt la spüerta, sch'almain 4 scolars s'annunzchan per la scoula da di. Impü decid'il cussagl cun 4 cunter 1 vuschs d'uzer la remuneraziun per lecziuns da sustegn da lezchas e las uras da survagliaunza da fr. 3.00 sün fr. 5.00, scu eir da renunzcher sün la spüerta dad 1 lecziun lezchas gratuita. Ils müdamaints aintran in vigur a partir da l'an da scoula 2013/2014.

**97 2.200 Scoula speciela
Decisiun da sister contrat per scoula speciela cun vschinauncha da Puntraschigna**

La nouva ledscha da scoula chantunela chi vain in vigur in avuost 2013 nu prevezza pü separaziuns da scolars, dimpersè integraziun dals scolars da las classas pitschnas illas classas ordinarias. Cun què nun es previs da mner inavaunt la classa pitschna a Puntraschigna. Per na stuvair abolir al mumaint il contrat cha nossa vschinauncha ho cun

Puntraschigna, propuona la scoula da Puntaschigna in ün prüm pass da sister quel, per examiner il svilup. Il cussagl decida unanimamaing da sister il contrat per 3 ans, suottascrivant üna cunvegna correspudenta.

98 0.110 Legislativa
Consultaziun, legislaziun executiva da la refuorma territoriela
(revaisa parziela)

Il 23 settember 2012 ho la populaziun grischuna aderieu a la revaisa parziela da la constituziun chantunela. Fin la fin da gün 2013 haun las differentas autoriteds la pussibilitad da piglier part a la consultaziun da la refuorma territoriela. Il cussagl decida unanimamaing da respunder seguaintamaing: In prüma lingia es da pussibiliter da surder lezchas a las regiuns e sch'üna vschinauncha voul attribuir svesch las lezchas, schi dess quella pudair fer que in mincha cas.

99 9.999 Varia

Il depüto orientescha sur da l'augment da pejas da la magistraglia a partir dal nouv an da scoula, causa la nouva ledscha da scoula chantunela. Siand cha nos magisters sun eir suottamiss a la ledscha chantunela, es da fer quint cun ün augment da l'import previs i'l preventiv 2013, d'arduond fr. 20'000.00. Impü orientescha il depüto chi ho lö ils 20.06.2013 üna saireda da genituors illa sela polivalenta a S-chanf.

A las 23.00 vain la tschanteda alveda.

In buna fè

L'actuar:
D. Schwenninger